

БАТЛАВ
БИЕИЙН ТАМИР, СПОРТЫН УЛСЫН ХОРООНЫ
ДАРГА Д.ЖАРГАЛСАЙХАН



МОНГОЛЫН ХҮҮХДИЙН СПОРТЫН ӨВЛИЙН VII НААДМЫН НЭГДСЭН ЗААВАР

НЭГ. ЗОРИЛГО

Биеийн тамир, спортын тухай хуулийн 10 дугаар зүйлийн 10.1.5 дахь заалт, 17 дугаар зүйлийн 17.2 дахь заалт, Бага, дунд боловсролын тухай хуулийн 18 дугаар зүйлийн 18.3 дахь заалт, Монгол Улсын Ерөнхийлөгчийн 2014 оны "Засгийн газарт чиглэл өгөх тухай" 27 дугаар зарлиг, Засгийн газрын 2021 оны "Спортын наадам хойшлуулах тухай" 268 дугаар тогтоол, Засгийн газрын 2018 оны 183 дугаар тогтоолын 2 дугаар хавсралтаар батлагдсан "Улсын хэмжээний спортын наадам зохион байгуулах журам"-ын 2.1 дахь заалт, Биеийн тамир, спортын улсын хорооны (цаашид БТСУХ гэх) даргын 2022 оны А/208 дугаар тушаалын 2 дахь заалтыг хэрэгжилтийг хангах, хүүхдийн спортын хөгжлийг эрчимжүүлэх, өсвөр үеийнхний бие бялдрын боловсролыг дээшлүүлэх, зохион байгуулагдаж буй арга хэмжээг нэмэгдүүлэх, түүний чанар, үр өгөөжийг дээшлүүлэх, өвлийн спортын төрлүүдийн авьяаслаг тамирчдыг нээн илрүүлэх, тэдний ур чадварыг дээшлүүлэн, багш, дасгалжуулагчдыг дэмжих, тив, дэлхийн тэмцээнд өрсөлдөх тамирчдыг төрүүлэн гаргах, сонгон шалгаруулахад Монголын хүүхдийн спортын өвлийн VII наадмын (цаашид Наадам гэх) зорилго оршино.

Наадмын зорилтыг дараах хүрээнд хэрэгжүүлнэ. Үүнд:

1.1. Өсвөрийн тамирчдад спортын ажил, үйлчилгээ үзүүлэх замаар дасгал хөдөлгөөн, спортоор бие даан хичээллэх сонирхлыг төрүүлэх, нийгэмд эерэг манлайллыг бий болгох,

1.2. Хүүхдэд эрүүл аж төрөх ёсыг хэвшүүлэх, тэдний харьцаа хандлага, ёс зүй, соёл, сахилга хариуцлагыг дээшлүүлэх, чөлөөт цагийг спортоор хичээллэн зөв боловсон өнгөрүүлэх, дадал, төлөвшлийг бий болгох;

1.3. Хүүхдийн дунд зохиох бие бялдрын хүмүүжлийн ажил, спортын үйл ажиллагааг дэмжих, сургалт дасгалжуулалтын чанар, үр дүнг нэмэгдүүлэх, өсвөрийн тамирчдын өрсөлдөх чадавхыг дээшлүүлэх,

1.4. Олимпизмын үзэл санааг дэлгэрүүлэх, олон улс, тив, дэлхийн тэмцээн, наадамд өрсөлдөх өндөр зэрэгтэй тамирчдын залгамж халааг бэлтгэх, төрүүлэн гаргах.

1.5. Спортын тэмцээний зохион байгуулалт, менежментийг чанарын өндөр түвшинд гаргах

1.6. Өвлийн спортыг газар зүйн байршил, орон нутгийн онцлогийг харгалзан хөгжүүлэх, оролцогчдын хамрах хүрээ, спортын төрөл, ангиллыг орон нутагт сурталчлах.

ХОЁР. НААДМЫН УДИРДЛАГА, ЗОХИОН БАЙГУУЛАЛТ

2.1. Улсын хэмжээнд наадмын зохион байгуулалтын ерөнхий зохицуулалтыг Засгийн газрын тохируулагч агентлаг- Биеийн тамир, спортын улсын хороо ханган, наадмын зааврыг сахиулан хэрэгжүүлнэ. Наадмыг зохион байгуулж буй Орхон аймагт гэрээний дагуу хамтран ажиллах, санхүү, үйл ажиллагааны дэмжлэг үзүүлэх, мэргэжил арга зүйн зөвлөгөөг өгч ажиллана.

2.2. Орхон аймаг нь наадмын ерөнхий зохион байгуулалтыг хариуцах ба Зохион байгуулах хороо байгуулан ажиллана. Хорооны бүрэлдэхүүнд БТСУХ, Монголын үндэсний олимпын хороо, хүүхдийн спортын холбоо, өвлийн спортын холбоо, аймгийн Боловсрол, шинжлэх ухааны газрын төлөөллийг заавал оруулна.

2.3. Наадмын хөтөлбөрт багтсан спортын төрлийн тэмцээнийг наадмын зохион байгуулах хороо, олон улсын спортын холбоодын гишүүнчлэлтэй спортын үндэсний холбоодтой хамтран зохион байгуулна.

2.4. Наадамд аймаг, дүүргийн Засаг дарга, Биеийн тамир, спортын газар, хороод, Ерөнхий боловсролын сургуулийн захиргаа нь баг тамирчдаа бэлтгэн оролцуулах ба удирдлагаар хангана.

2.5. Наадамд аймаг, нийслэл, дүүргийн биеийн тамир, спортын байгууллага, өмчийн бүх хэлбэрийн ерөнхий боловсролын сургуулиуд нутаг дэвсгэрт байрлах харьяаллын дагуу оролцоно.

2.6. Наадмын цахим бүртгэл, нэгдсэн байгууллагын дүн, веб хуудастай холбогдох үйл ажиллагааг БТСУХ-ны цахим сангийн бүртгэл болон мэдээллийн технологи хариуцсан нэгж хариуцна.

2.6. Наадмын явцын мэдээ, мэдээллийг зохион байгуулах эрх олгогдсон аймаг, Зохион байгуулах хороо олон нийтэд сурталчлан мэдээлж, түгээнэ.

2.7. Наадмын спортын төрлийн тэмцээнийг өвлийн олимпын төрлийн зай ангилалд мөрдөгдөх олон улсын дүрэм, спортын холбооны тэмцээний журамд нийцүүлэн наадмын нэгдсэн зааварт тусган хэрэгжүүлнэ.

ГУРАВ. СПОРТЫН ТӨРӨЛ, ХУГАЦАА

3.1. Наадмыг өвлийн олимпын наадмын хөтөлбөрт багтдаг зургаан спортын төрлийн зай, ангиллаар үндсэн 5, үзүүлэх тоглолтын 1 төрлөөр шууд шигшээ наадамд оруулах хэлбэрээр зохион байгуулна.

3.2. Наадмын хөтөлбөрт багтсан спортын үндсэн төрөл:

3.2.1. Гүйлтийн цана

3.2.2. Уулын цана

3.2.3. Гүйлтийн тэшүүр

3.2.4. Шорт трейк

3.2.5. Шайбтай хоккей

3.3. Наадмын үзүүлэх тоглолтын төрөл:

3.3.1. Снеүбоард (параллель слалом, фристайл)

3.4 Наадмын үндсэн болон үзүүлэх тоглолтын спортын төрлийн зай, ангилал, оролцох хүний тоо, зохиогдох хугацаа ба байршил.

3.4.1 Үндсэн төрлийн тэмцээний зай, насны хязгаар, оролцогчийн тоо

№	Спортын төрөл	ангилал	тэмцээний зай, насны хязгаар	Хугацаа	Байршил
1	Гүйлтийн цана	тэшилт	12 нас хүртэлх: хөвгүүд 3 км, охид 2 км 13-14 нас: хөвгүүд 5 км, охид 3 км 15-16 нас: хөвгүүд 10 км, охид 5 км 17-18 нас: хөвгүүд 15 км, охид 10 км	II/08-13	Орхон аймаг, Баян-Өндөр сум
		сонгомол	12 нас хүртэлх: хөвгүүд 2 км, охид 1,5 км 13-14 нас: хөвгүүд 3 км, охид 2 км 15-16 нас: хөвгүүд 5 км, охид 3 км 17-18 нас: хөвгүүд 10 км, охид 5 км		
		буухиа	хөвгүүд: 4 x 5 км С+Т+С+Т охид: 4 x 3 км С+Т+С+Т буухиа баг: хөвгүүд-4, охид-4, дасгалжуулагч-1		
2	Уулын цана	Слалом,	14 хүртэлх насны хөвгүүд, охид 15-18 нас: хөвгүүд, охид	II/08-13	Орхон аймаг, Баян-Өндөр сум
		Жайнт слалом	14 хүртэлх насны хөвгүүд, охид 15-18 нас: хөвгүүд, охид тус бүр 2 тамирчин, 1-дасгалжуулагч		
3	Гүйлтийн тэшүүр	D ангилал	12 хүртэлх нас: хөвгүүд: 300 м, 500 м, охид: 300 м, 500 м,	II/08-13	Орхон аймаг, Баян-Өндөр сум
		С ангилал	13-14 нас: хөвгүүд: 500 м, 1000 м, 1500 м охид: 500 м, 1000 м, 1500 м		
		В ангилал	15-16 нас: хөвгүүд: 500 м, 1000 м, 1500 м охид: 500 м, 1000 м, 1500 м		
		А ангилал	17-18 нас: хөвгүүд: 500 м, 1000 м, 1500 м, охид: 500 м, 1000 м, 1500 м		
		Бөөн гараа	хөвгүүд, охид		
4	Шорт трейк	Дангилал	12 хүртэлх нас: хөвгүүд: 333 м, 500 м охид: 333 м, 500 м	II/08-13	Орхон аймаг, Баян-Өндөр сум
		С ангилал	13-14 нас: хөвгүүд: 500 м, 1000 м, 1500 м охид: 500 м, 1000 м, 1500 м		
		В ангилал	15-16 нас: хөвгүүд: 500 м, 1000 м, 1500 м охид: 500 м, 1000 м, 1500 м		
		А ангилал	17-18 нас: хөвгүүд: 500 м, 1000 м, 1500 м охид: 500 м, 1000 м, 1500 м		
5	Шайбтай хоккей	хөвгүүд	16 хүртэлх нас: багийн гишүүн 20 хүн. 2-дасгалжуулагч, 1-эмч	II/08-13	Орхон аймаг, Баян-Өндөр сум
Тайлбар: Гүйлтийн цанын төрөлд "С" - сонгомол техник, "Т" - тэших техник Тэмцээний нарийвчилсан цагийн хуваарийг наадмын өмнө мэдээлнэ.					

3.4.2 Үзүүлэх төрөл

1	Снөүбоард	параллель слалом,	14 хүртэлх насны хөвгүүд, охид 15-18 нас: хөвгүүд, охид	II/10-13	Орхон аймаг Баян-Өндөр сум
		фристайл	14 хүртэлх насны хөвгүүд, охид 15-18 нас: хөвгүүд, охид тус бүр 2 тамирчин, 1-дасгалжуулагч		

3.5. Наадмын үндсэн болон үзүүлэх тоглолтын тэмцээн 2023 оны 2 дугаар сарын 8-13-нд Орхон аймгийн Баян-Өндөр суманд зохион байгуулагдана.

3.6. Техникийн зөвлөгөөн: Тэмцээн зохион байгуулах хороо болон БТСУХ нь нэгдсэн техникийн зөвлөгөөнийг хийх ба Зохион байгуулах хороо ба тухайн спортын холбооны шүүгчийн зөвлөл нь тэмцээн болох газарт нь тухайн тэмцээний техникийн зөвлөгөөнийг зарлан хуралдуулж, зохион байгуулна.

3.7. Тэмцээний хуваарийн дагуу зохион байгуулагдах техникийн үзүүлэлт, спортын хэрэглэл, зохион байгуулалтыг техникийн зөвлөгөөн дээр ангилал тус бүр дээр хэлэлцэнэ.

3.8. Аймаг, дүүргийн Биеийн тамир, спортын газар, хороо нь анхан шатны тэмцээнээ зохион байгуулж, тамирчдаа сонгон шалгаруулсан байна.

ДӨРӨВ. ОРОЛЦОГЧДОД ТАВИХ ШААРДЛАГА, ОРОЛЦОХ ЖУРАМ

4.1. Наадамд оролцогч тамирчин нь нэг оролцогч-нэг бүртгэл шаардлагыг хангасан байна.

4.2. Аймаг, дүүргийн Биеийн тамир, спортын газар, хороо нь өөрсдийн тамирчдын тэмцээнд оролцох бүхий л бэлтгэлийг хангах ажлыг хариуцна.

4.3. Аймаг, дүүргийн биеийн тамир, спортын газар, хороо нь тамирчны сурч байгаа өмчийн бүх хэлбэрийн ерөнхий боловсролын сургууль, хичээллэж байгаа клубийн нэрийг хамтатган харьяаллын өмнөөс давхардал үүсгэхгүйгээр спортын нэг төрлөө сонгон оролцуулна.

4.4. Аймаг, дүүргийн Биеийн тамир, спортын газар, хороо нь тамирчны цахим гэрээ, мэдүүлгийн маягт илгээхээс өмнө үндсэн байгууллагын удирдлага, дасгалжуулагч нартай харилцан зөвшилцөлд хүрсний дагуу дурдсан хугацаанд хүсэлтээ илгээнэ.

4.5. Наадамд оролцох багууд нь бэлтгэлийн хувцас, спортын төрлийн тоглолтын хувцас, байгууллагын нэр, логотой туг далбааг барьж жагсана. Тугийн хэмжээ нь 60 см х120 см хэмжээтэй байна.

ТАВ. ЭМНЭЛЭГ ХЯНАЛТ, АЮУЛГҮЙ АЖИЛЛАГАА, ДААТГАЛ

5.1. Наадамд оролцогч байгууллага өөрийн нэрийн өмнөөс оролцох баг тамирчдаа эрүүл мэндийн үзлэгт хамруулж, үзлэгийн “зөвшөөрсөн” тэмдэглэгээг эмчийн гарын үсэг, тамгаар баталгаажуулсан байна.

5.2. Тамирчдыг тэмцээний өдрүүдэд дэх гэнэтийн ослын болон бусад холбогдох даатгалд харьяалах байгууллагын зүгээс зайлшгүй хамруулж даатгуулах үүрэг хүлээнэ.

5.3. Аюулгүй байдлыг хамгаалах хэрэглэл, хэрэгслийг тэмцээнд оролцох тамирчдад стандартын дагуу (цана, тэшүүрийн өмсгөл, дуулга, зүсэгдэхгүй бээлий, хүзүү, толгойн хамгаалалт дуулга, шилбэний болон өвдөг, тохой, бугуй,

нурууны хамгаалалт)-ыг зориулалтаар хэрэглэхийг тамирчин, хариуцсан дасгалжуулагч, багийн ахлагчаас дүрмийн дагуу шаардана.

5.4 Тэмцээн зохион байгуулагчийн аюулгүй ажиллагаа:

5.4.1 Наадам зохион байгуулах хороо, спортын холбоодтой хамтран тэмцээний үеийн болон бие халаалт, бэлтгэл сургуулилт, үзэгчдийн аюулгүй байдлыг бүрэн хангасан зам талбайг олон улсын дүрмийн шаардлагын дагуу зохион байгуулж, хяналт тавьж ажиллана.

5.4.2 Шүүгч болон тэмцээн зохион байгуулагч шүүгчийн зөвлөлөөс талбайн зохион байгуулалтын дагуу шаардлага тавих, шаардлагыг биелүүлээгүй дасгалжуулагч, тамирчинд холбогдох дүрмийн дагуу шаардлага тавих, хариуцлага хүлээлгэх.

5.4.3 Ковид-19 халдварт цар тахлын цаг үеийн нөхцөл байдлаас хамаарч УОК, АОК-оос өгсөн заавар зөвлөмжийг дагаж мөрдүүлнэ.

ЗУРГАА. ЦАХИМ БҮРТГЭЛ, ЯВАГДАХ ХУГАЦАА, МАНДАТ ОЛГОЛТ

6.1. Аймаг, дүүргийн биеийн тамир, спортын газар, хороо нь наадмын хөтөлбөрт багтсан спортын төрөл, ангилал, зайд тамирчныг оролцуулахдаа тусгайлан бэлтгэсэн холбоосоор нэвтэрч тамирчны регистрийн дугаар, хувь хүний мэдээллийг ашиглахыг зөвшөөрч цахим гэрээ, мэдүүлэг бөглөн илгээнэ.

6.2 Аймаг, дүүргийн Биеийн тамир, спортын газар, хороо нь тамирчны суралцдаг ерөнхий боловсролын сургуулийн хаягийн байршлын дагуу сонгон 2022 оны 12 дугаар сарын 19-ны өдрөөс 2023 оны 1 дүгээр сарын 03-ны өдрийн хугацаанд Биеийн тамир, спортын улсын хороонд мэдүүлгээ илгээнэ.

6.3 Аймаг, дүүргийн Биеийн тамир, спортын газар, хороодод (бусад байгууллага) 2023 оны 1 дүгээр сарын 5-6-ны өдрийн цахим гэрээ, мэдүүлгийн үр дүнг Биеийн тамир, спортын улсын хорооноос @sport.gov.mn цахим шуудангаар хүргүүлнэ.

6.4. Нэрээр ирүүлэх мэдүүлэг:

6.4.1. Наадмын хөтөлбөрт багтсан тэмцээнд оролцох баг, тамирчдын гэрээ, цахим мэдүүлгийг үндэслэн аймаг, дүүргийн биеийн тамир, спортын газар, хороо, ерөнхий боловсролын сургуулийн нэрээр ирүүлэх мэдүүлгийг салбарын нэгдсэн цахим сангийн бүртгэлээр дамжуулан мандатын бүртгэл хийнэ.

Цахим систем нь 2023 оны 1 дүгээр сарын 06-ны өдөр нээж 2023 оны 1 дүгээр сарын 18-ний өдрийн 22:00 цагт хаана.

6.4.2. Наадмын хөтөлбөрт багтсан спортын төрлийн тэмцээнд оролцох баг, тамирчдын нэрээр ирүүлсэн мэдүүлгийг үндэслэн 2023 оны 1 дүгээр сарын 24-27-ны 22:00 цагийн хугацаанд оролцох баг тамирчдын QR кодтой мандатын эх файлыг аймаг, дүүргийн Биеийн тамир, спортын газар, хороодын албаны цахим шуудангийн хаягаар илгээнэ.

6.4.3. Аймаг, дүүргийн Биеийн тамир, спортын газар, хороодын асуудал хариуцсан нэгжээс спортын төрлөөр оролцох баг тамирчдын QR кодтой мандатын файлыг 2023 оны 1 дүгээр сарын 28-ны өдрөөс 2 дугаар сарын 06-нд спортын наадамд оролцох байгууллагын баг тамирчдад илгээсэн байна.

6.4.4 Наадмын хөтөлбөрт багтсан спортын төрөлд оролцох баг тамирчид наадмын мандатын ажлын хэсэгт тэмцээний хөтөлбөрт заасан техникийн

зөвлөгөөнөөс өмнө мандатын баталгаажилтыг хийлгэснээр тэмцээнд оролцох эрх үүснэ.

6.5 Цахим бүртгэл хариуцсан аймаг, дүүргийн болон спорт холбоодын (наадамд оролцогч бусад байгууллага) админ нь наадамд оролцох дасгалжуулагч, шүүгч, албаны болон бусад чиг үүрэг гүйцэтгэн оролцох төлөөллийн бүртгэлийг наадмын системийн цахим бүртгэлд заасан хугацаанд нэгэн адилаар бүртгэж мандатыг олгоно.

6.6 БТСУХ-ны цахим бүртгэлийн асуудал хариуцсан нэгжээс цахим бүртгэлийн сургалтыг зохион байгуулж, мэргэжил арга зүйн зөвлөгөө өгч ажиллана.

6.7 БТСУХ-ны цахим бүртгэлийн асуудал хариуцсан нэгж нь Боловсрол, шинжлэх ухааны яамны асуудал хариуцсан нэгжээс сурагчийн мэдээллийн сүлжээний оролцоотойгоор бүртгэлийн бүхий л үйл ажиллагааг хариуцаж ажиллана. Оролцогчийн шилжилт хөдөлгөөнийг цахим гэрээ, мэдүүлэг илгээсэн өдрөөр тасалбар болгоно.

6.8 Цахим бүртгэлтэй холбоотой мэдээллийг www.sport.gov.mn цахим хуудсанд байршуулна.

ДОЛОО. НААДМЫН ХҮРЭЭНД ХИЙХ АЖЛЫН ЧИГЛЭЛ

Наадмын хүрээнд аймаг, нийслэл дүүргийн БТСГ, спортын хороо, ЕБС, байгууллага, аж ахуйн нэгжүүдэд дараах арга хэмжээг авч явуулна.

- Анхан шатны тэмцээн зохион байгуулах ажлын хэсгийг байгуулах, зохион байгуулах;
- Наадмын анхан шатны болон шигшээ тэмцээнд оролцох төсвийг батлан гаргах;
- Тухайн нутаг дэвсгэр, байгууллагын өсвөрийн хүүхдийг олноор нь хамруулсан хэлбэрээр нийтийг хамарсан тэмцээн, өвлийн спортыг сурталчилсан арга хэмжээг зохион байгуулах;
- Өвлийн спортын хөгжлийн чиглэлээр хурал, семинарыг зохион байгуулах, гарын авлага, ном, товхимол болгон гаргах;
- Тухайн нутаг дэвсгэр, байгууллагын хэмжээнд өвлийн өдөрлөг, цасны баяр, спортын арга зохион байгуулах, материаллаг баазаа бэхжүүлэх, хэрэглэл материал худалдан авах, цана тэшүүрийн зам, талбай байгуулан, тохижуулах;
- Өвлийн спортын төрлөөр секц нээн ажиллуулах хөдөлгөөн өрнүүлэх, алдартай тамирчдаа сурталчлах, алдаршуулах, наадмын мэдээллийн байнгын булан гарган ажиллуулах;
- Наадмын шигшээ тэмцээнд амжилтай бэлтгэн, идэвхтэй оролцуулах төрөл бүрийн арга хэмжээ авах;
- Олимпын үзэл санааг сурталчлан, боловсрол олгох үйл ажиллагааг явуулна.

Эдгээр арга хэмжээг зохион байгуулан, хийсэн бусад ажлын тайлангаа баримтжуулан Засгийн газрын тохируулагч агентлаг – Биеийн тамир, спортын улсын хороонд ирүүлнэ.

НАЙМ. НААДМЫН ТӨСӨВ САНХҮҮЖИЛТ

8.1 Наадмын анхан шатны тэмцээн зохион байгуулах болон шигшээ тэмцээний хөтөлбөрт багтсан тэмцээнд оролцогчдын томилолт, хоол, байр, унааны зардлыг баг тамирчид оролцуулагч харьяалах байгууллага нь хариуцан санхүүжүүлнэ.

8.2. Баг тамирчид наадмын тэмцээнд оролцохдоо эрхийн мандатын үнэ, бусад төлбөрүүд төлөхгүй.

8.3. Наадмын зохион байгуулалтын зардал, шагнал урамшуулал болон бусад шаардагдах зардлыг наадмыг зохион байгуулах эрх хүлээн авч, гэрээ байгуулсан аймгийн Зохион байгуулах хороо хариуцна.

8.4. Монгол Улсын Засгийн газрын 2018 оны 173 дугаар тогтоолын 4.4 дэх заалт “Улсын хэмжээний спортын наадам зохион байгуулах жилд тухайн насны ангиллын улсын аварга шалгаруулах тэмцээнийг улсын төсвөөс санхүүжүүлэхгүй” байх, Эрүүл мэнд, Сангийн сайдын хамтран баталсан 2009 оны 53/45 дугаар тушаалын 2.10 дахь заалт “Спортын наадмын хөтөлбөрт багтсан төрлүүдийн тухайн насны ангиллаар Улсын аварга шалгаруулах тэмцээнийг тухайн жилд давхцуулан явуулахгүй” гэсэн заалтыг аймаг, дүүргийн Биеийн тамир, спортын газар /хороо/-ууд хэрэгжүүлэн ажиллах үүрэгтэй.

ЕС. ШАГНАЛ, УРАМШУУЛАЛ

Наадмын шигшээ тэмцээний төрөл зай, ангилал тус бүрд эхний гурван байр эзэлсэн баг, тамирчдыг ЗГТА-БТСУХ, наадмын ЗБХ-ноос тус бүрд нь доорх шагналаар шагнаж урамшуулна.

9.1. Тамирчин, дасгалжуулагчийг:

9.1.1. Наадмын тэмцээний үндсэн төрлийн зай, ангилалд медаль хүртсэн тамирчин, дасгалжуулагчийг наадмын медаль, өргөмжлөл, Монгол Улсын Засгийн газрын 2018 оны 173 дугаар тогтоолын дагуу мөнгөн шагнал олгоно.

9.1.2 Спортын наадмын тэмцээний үзүүлэх тоглолтын төрлийн зай, ангилалд байр эзэлсэн наадмын медаль, өргөмжлөлөөр шагнана.

9.1.3 Тамирчны регистрийн дугаар, нас, овог нэр буруу, харьяаллын болон бусад зөрчил илэрсэн тохиолдолд тухайн тэмцээний амжилтыг хүчингүйд тооцон дараагийн эрэмбэлэгдсэн тамирчин, багт эзэлсэн байр, шагналыг шилжүүлнэ.

9.2 Оролцогч байгууллагыг дүгнэх

9.2.1 Наадмын өвлийн спортын төрлүүдэд авсан медалийн чанараар дүгнэнэ.

9.2.2 Аймаг, дүүргийн биеийн тамир, спортын газар, хороод болон ерөнхий боловсролын сургуулиудыг Зохион байгуулах хорооноос шагнаж урамшуулна.

- Аймаг, дүүргийн БТСГ-ыг байгууллагын дүнгээр эхний гурван байр эзлүүлэн цом, медаль, өргөмжлөл, мөнгөн шагналаар,

- Ерөнхий боловсролын сургуулийг байгууллагын дүнгээр эхний гурван байр эзлүүлэн цом, медаль, өргөмжлөл, мөнгөн шагналаар,

- Биеийн тамир, спортын төрөлжсөн сургалттай сургуулийг байгууллагын дүнгээр 1-3 дугаар байр эзлүүлэн цом, медаль, өргөмжлөл, мөнгөн шагналаар тус тус шагнана.

АРАВ. СПОРТЫН ТӨРӨЛ, НАСНЫ ХЯЗГААР

10.1 ГҮЙЛТИЙН ЦАНА

Зай, насны ангилал:

12 хүртэлх нас: хөвгүүд 3 км Т 2 км С, охид 2 км Т, 1.5 км С
2011.12.31 хүртэлх.

13-14 нас: хөвгүүд: 3 км С, 5 км Т, охид: 2 км С, 3 км Т
2009.01.01-2010.12.31

15-16 нас: хөвгүүд: 5 км С, 10 км Т, охид: 3 км С, 5 км Т
2007.01.01-2008.12.31

17-18 нас: хөвгүүд: 10 км С, 15 км Т, охид: 5 км С, 10 км Т
2005.01.01-2006.12.31

Буухиа: хөвгүүд: 4 х 5 км С+Т+С+Т, охид: 4 х 3 км С+Т+С+Т

10.2 УУЛЫН ЦАНА

Зай, насны ангилал:

14 хүртлэх нас -Слалом, жайнт слалом: хөвгүүд, охид
2009.01.01-ны өдрөөс хойш төрсөн

15-18 нас: Слалом, жайнт слалом: хөвгүүд, охид
2005.01.01-2008.12.31.

10.3. ГҮЙЛТИЙН ТЭШҮҮР

Зай, насны ангилал:

D ангилал: 12 нас хүртэлх хөвгүүд-300м, 500м, охид -300м, 500м,
2011.07.01 өдрөөс өмнө төрсөн.

C ангилал: 13-14 нас: хөвгүүд-500м, 1000м, 1500м, охид -500м, 1000м, 1500м
2008.07.01-2010.06.30

B ангилал: 15-16 нас: хөвгүүд-500м, 1000м, 1500м, охид-500м, 1000м, 1500м,
2006.07.01- 2008.06.30

A ангилал: 17-18 нас: хөвгүүд-500м, 1000м, 1500м, охид-500м, 1000м, 1500м,
2005.07.01- 2006.06.30

Бөөн гараа уралдаан- хөвгүүд, охид

10.4 ШОРТ ТРЕЙК

Зай, насны ангилал:

D ангилал: 12 нас хүртэлх -333 м, 500 м -хөвгүүд, охид
2011.07.01 өдрөөс өмнө төрсөн.

C ангилал: 13-14 нас: 500 м, 1000 м, 1500 м-хөвгүүд, охид
2008.07.01-2010.06.30

B ангилал: 15-16 нас: 500 м, 1000 м, 1500 м- хөвгүүд, охид
2006.07.01- 2008.06.30

A ангилал: 17-18 нас: 500 м, 1500 м, 1500 м- хөвгүүд, охид
2005.07.01- 2006.06.30

10.5 ШАЙБТАЙ ХОККЕЙ

Насны ангилал 16 хүртэлх нас байна: хөвгүүд 2007 оны 01 сарын 1-ний өдрөөс хойш төрсөн тамирчид оролцоно.

10.6 СНӨУБОАРД (Үзүүлэх тоглолтын төрөл) зай, насны ангилал:

- 14 хүртэлх нас: Фристайл, параллель слалом: хөвгүүд, охид
2009.01.01-ний өдрөөс хойш төрсөн.
15-18 нас: Фристайл, параллель слалом: хөвгүүд, охид
2005.01.01-2008.12.31

АРВАН НЭГ. САХИЛГА БАТ, ДЭГ ЖУРАМ

11.1 Баг тамирчид сахилга бат, ёс зүйтэй байх, спортоор дамжуулаад нийгэмд зөв хандлага, эерэг нөлөөлөл, иргэдийн идэвхтэй амьдрал эрүүл аж төрх ёсыг хэвшүүлэхэд спортын салбарын үүрэг оролцоог нэмэгдүүлэх, үүрэг, хариуцлагатай байна.

11.2 Баг тамирчид нь наадмын үйл ажиллагаа, тэмцээний зам талбай гараа, бариа тогтсон байршилд, нэгдсэн зохион байгуулалтад орж үүрэг хариуцлага, хувь хүний харилцаа хандлагыг бүрэн ухамсарлаж оролцоно.

11.3 Тамирчин, дасгалжуулагч нь шударга өрсөлдөөнийг эрхэмлэнэ.

АРВАН ХОЁР. ГОМДОЛ ХҮСЭЛТ

12.1 Баг, тамирчид тэмцээний явцад маргаантай асуудлаар ерөнхий шүүгчид хандан гомдол, хүсэлтээ гаргах эрхтэй.

12.2. Гомдол, хүсэлт нь үндэслэлтэй байх ёстой.

12.3. Гомдол, хүсэлтийг зөвхөн тухайн баг хариуцсан дасгалжуулагч, багийн ахлагч нь бичгээр гарган, өөрийн биеэр тэмцээний ерөнхий шүүгчид багийн нэр хаяг, гарын үсгийг тодорхой бичиж хандана.

12.4. Маргааныг наадмын Зохион байгуулах хороо болон зохион байгуулагч спортын холбооны маргаан таслах зөвлөл газар дээр нь шийдвэрлэнэ.

12.5. БТСУХ нь наадмын ерөнхий зохион байгуулалт, цахим бүртгэлтэй холбоотой, гомдол, хүсэлтийг хүлээн авч шийдвэрлэнэ.

---oOo---